



佛尼牟迦釋師本無南

天上天下無如佛

十方世界亦無比



世間所有我盡見

一切無有如佛者

金剛般若波羅蜜經

姚秦三藏法師鳩摩羅什譯

炉香赞

炉香乍^{ruò}爇 法界蒙熏 诸佛海会悉遥闻
随处结祥云 诚意方殷 诸佛现全身

^{ná mó}南无香云盖^{mā hā sà}菩萨摩訶萨（三称）

加持咒（三遍）

嗡 桑巴Ra 桑巴Ra 波嘛那萨Ra
嘛哈娑巴巴吽 帕的 梭哈

清净咒（一遍）

嗡 苏利苏利 嘛哈苏利 苏苏利 梭哈
嗡 苏达利苏达利 苏嘛利苏嘛利 梭哈
嗡 瓦吉拉 达哈哈 吽

净三业真言（三遍）

嗡 梭巴瓦 速达 萨儿瓦 达儿嘛 梭巴瓦
速朵 杭

安土地真言（三遍）

那摩 萨曼达 布达喃 嗡 嚩嚩嚩嚩 地尾
梭哈

普供养真言（三遍）

嗡 嘎嘎拿 三巴哇 瓦吉拉 吽

奉请八金刚

奉请 青除灾金刚	奉请 辟 ^{bì} 毒金刚
奉请 黄随求金刚	奉请 白净水金刚
奉请 赤声火金刚	奉请 定持灾金刚
奉请 紫贤金刚	奉请 大神金刚

奉请四菩萨

奉请 金刚眷菩萨	奉请 金刚索菩萨
奉请 金刚爱菩萨	奉请 金刚语菩萨

发愿文

稽^{qǐ}首三界尊 皈依十方佛
我今发宏愿 持此金刚经
上报四重恩 下济三途苦
若有见闻者 悉发菩提心
尽此一报身 同生极乐国

云何梵^{fàn}

云何得长寿 金刚不坏身
复以何因缘 得大坚固力
云何于此经 究竟到彼岸
愿佛开微密 广为众生说

南无本师释迦牟尼佛（三称）

开经偈^{jì}

无上甚深微妙法 百千万劫难遭遇
我今见闻得受持 愿解如来真实义

金剛般若波羅蜜經

金剛般若波羅蜜經

姚秦三藏法師鳩摩羅什譯

法會因由分第一

如是我聞。一時佛在舍衛國，祇樹給
孤獨園，與大比丘眾，千二百五十人俱。

爾時世尊，食時，著衣持鉢，入舍衛
大城乞食。於其城中，次第乞已，還至本
處。飯食訖，收衣鉢，洗足已，敷座而坐。

善現啟請分第二

時長老須菩提，在大眾中，即從座起，
偏袒右肩，右膝著地，合掌恭敬，而白佛
言：希有！世尊！如來善護念諸菩薩，善
付囑諸菩薩。世尊！善男子善女人，發阿

nòu miǎo
耨多羅三藐三菩提心，云何应住？云何降
伏其心？

佛言：善哉善哉。须菩提！如汝所说，
如来善护念诸菩萨，善付嘱诸菩萨。汝今
谛听，当为汝说。善男子善女人，发阿耨
多羅三藐三菩提心，应如是住，如是降伏
其心。

唯然，世尊！愿乐欲闻。
yào

大乘正宗分第三

佛告须菩提：诸菩萨摩訶萨，应如是
降伏其心：所有一切众生之类，若卵生、
若胎生、若湿生、若化生，若有色、若无
色，若有想、若无想、若非有想非无想，
我皆令入无余涅槃而灭度之。如是灭度无
量无数无边众生，实无众生得灭度者。何
以故？须菩提！若菩萨有我相、人相、众

生相、寿者相，即非菩薩。

妙行無住分第四

復次，須菩提！菩薩於法，應無所住，行於布施。所謂不住色布施，不住聲香味觸法布施。

須菩提！菩薩應如是布施，不住於相。何以故？若菩薩不住相布施，其福德不可思量。

須菩提！於意云何？東方虛空可思量不？

不^{bù}也，世尊。

須菩提！南西北方、四維、上下虛空，可思量不？

不也，世尊。

須菩提！菩薩無住相布施，福德亦復如是不可思量。

须菩提！菩萨但应如所^{jiào}教住。

如理实见分第五

须菩提！于意云何？可以身相见如来不？

不也，世尊！不可以身相得见如来。何以故？如来所说身相，即非身相。

佛告须菩提：凡所有相，皆是虚妄。若见诸相非相，即见如来。

正信希有分第六

须菩提白佛言：世尊！颇有众生，得闻如是言说章句，生实信不？

佛告须菩提：莫作是说。如来灭后，后五百岁，有持戒修福者，于此章句，能生信心，以此为实。当知是人，不于一佛二佛三四五佛而种善根，已于无量千万佛

所种诸善根。闻是章句，乃至一念生净信者，须菩提！如来悉知悉见，是诸众生得如是无量福德。

何以故？是诸众生无复我相、人相、众生相、寿者相，无法相，亦无非法相。

何以故？是诸众生，若心取相，则为著我人众生寿者。若取法相，即著我人众生寿者。何以故？若取非法相，即著我人众生寿者。

是故不应取法，不应取非法。以是义故，如来常说：汝等比丘！知我说法，如筏喻者，法尚应舍，何况非法。

无得无说分第七

须菩提！于意云何？如来得阿耨多罗三藐三菩提耶？如来有所说法耶？

须菩提言：如我解佛所说义，无有定

法名阿耨多羅三藐三菩提，亦无有定法如来可说。何以故？如来所说法，皆不可取、不可说，非法、非非法。所以者何？一切贤圣，皆以无为法而有差别。

依法出生分第八

须菩提！于意云何？若人满三千大千世界七宝，以用布施。是人所得福德，宁为多不？

须菩提言：甚多，世尊！何以故？是福德，即非福德性，是故如来说福德多。

若复有人，于此经中，受持乃至四句偈等，为他人说，其福胜彼。何以故？须菩提！一切诸佛，及诸佛阿耨多罗三藐三菩提法，皆从此经出。须菩提！所谓佛法者，即非佛法。

一相无相分第九

须菩提！于意云何？须陀洹^{huán}能作是念
我得须陀洹果不？

须菩提言：不也，世尊！何以故？须陀洹名为入流，而无所入，不入色声香味触法，是名须陀洹。

须菩提！于意云何？斯陀含能作是念
我得斯陀含果不？

须菩提言：不也，世尊！何以故？斯陀含名一往来，而实无往来，是名斯陀含。

须菩提！于意云何？阿那含能作是念
我得阿那含果不？

须菩提言：不也，世尊！何以故？阿那含名为不来，而实无不来，是故名阿那含。

须菩提！于意云何？阿罗汉能作是念
我得阿罗汉道不？

须菩提言：不也，世尊！何以故？实无有法名阿罗汉。世尊！若阿罗汉作是念，我得阿罗汉道，即为著我人众生寿者。世尊！佛说我得无诤三昧^{mèi}，人中最为第一，是第一离欲阿罗汉。世尊！我不作是念，我是离欲阿罗汉。世尊！我若作是念，我得阿罗汉道，世尊则不说须菩提是乐阿兰^{yào}那行者。以须菩提实无所行，而名须菩提是乐阿兰那行。

庄严净土分第十

佛告须菩提：于意云何？如来昔在燃灯佛所，于法有所得不？

不也，世尊！如来在燃灯佛所，于法实无所得。

须菩提！于意云何？菩萨庄严佛土不？

不也，世尊！何以故？庄严佛土者，即非庄严，是名庄严。

是故，须菩提！诸菩萨摩訶萨，应如是生清净心。不应住色生心，不应住声香味触法生心，应无所住而生其心。

须菩提！譬如有人，身如须弥山王。于意云何？是身为大不？

须菩提言：甚大，世尊！何以故？佛说非身，是名大身。

无为福胜分第十一

须菩提！如恒河中所有沙数，如是沙等恒河。于意云何？是诸恒河沙，宁为多不？

须菩提言：甚多，世尊！但诸恒河，尚多无数，何况其沙。

须菩提！我今实言告汝，若有善男子

善女人，以七宝满尔所恒河沙数三千大千世界，以用布施，得福多不？

须菩提言：甚多，世尊！

佛告须菩提：若善男子善女人，于此经中，乃至受持四句偈等，为他人说，而此福德，胜前福德。

尊重正教分第十二

复次，须菩提！随说是经，乃至四句偈等，当知此处，一切世间天、人、阿修罗，皆应供养，如佛塔庙。

何况有人，尽能受持读诵。须菩提！当知是人，成就最上第一希有之法。

若是经典所在之处，即为有佛，若尊重弟子。

如法受持分第十三

尔时须菩提白佛言：世尊！当何名此经？我等云何奉持？

佛告须菩提：是经名为金剛般若波羅蜜，以是名字，汝当奉持。所以者何？须菩提！佛说般若波羅蜜，即非般若波羅蜜，是名般若波羅蜜。

须菩提！于意云何？如来有所说法不？

须菩提白佛言：世尊！如来无所说。

须菩提！于意云何？三千大千世界所有微尘，是为多不？

须菩提言：甚多，世尊！

须菩提！诸微尘，如来说非微尘，是名微尘。如来说世界，非世界，是名世界。

须菩提！于意云何？可以三十二相见如来不？

不也，世尊！不可以三十二相得见如来。何以故？如来说三十二相，即是非相，是名三十二相。

须菩提！若有善男子善女人，以恒河沙等身命布施。若复有人，于此经中，乃至受持四句偈等，为他人说，其福甚多。

离相寂灭分第十四

尔时须菩提，闻说是经，深解义趣，涕泪悲泣，而白佛言：希有！世尊！佛说如是甚深经典。我从昔来所得慧眼，未曾得闻如是之经。

世尊！若复有人，得闻是经，信心清净，则生实相。当知是人，成就第一希有功德。

世尊！是实相者，即是非相，是故如来说名实相。

世尊！我今得聞如是經典，信解受持，不足為難。若當來世，後五百歲，其有眾生，得聞是經，信解受持，是人則為第一希有。何以故？此人無我相，無人相，無眾生相，無壽者相。所以者何？我相即是非相，人相、眾生相、壽者相即是非相。何以故？離一切諸相，即名諸佛。

佛告須菩提：如是如是。若復有人，得聞是經，不驚、不怖、不畏，當知是人，甚為希有。何以故？須菩提！如來說第一波羅蜜，即非第一波羅蜜，是名第一波羅蜜。

須菩提！忍辱波羅蜜，如來說非忍辱波羅蜜，是名忍辱波羅蜜。何以故？須菩提！如我昔為歌利王割截身體，我于爾時，無我相，無人相，無眾生相，無壽者相。何以故？我于往昔节节支解時，若有我

相、人相、众生相、寿者相，应生瞋^{chēn}恨。

须菩提！又念过去于五百世，作忍辱仙人，于尔所世，无我相，无人相，无众生相，无寿者相。

是故，须菩提！菩萨应离一切相，发阿耨多罗三藐三菩提心。不应住色生心，不应住声香味触法生心，应生无所住心。若心有住，即为非住。

是故佛说菩萨心，不应住色布施。须菩提！菩萨为利益一切众生故，应如是布施。如来说一切诸相，即是非相；又说一切众生，即非众生。

须菩提！如来是真语者、实语者、如语者、不诳语者、不异语者。

须菩提！如来所得法，此法无实无虚。

须菩提！若菩萨心住于法而行布施，如人入暗，则无所见。若菩萨心不住法而

行布施，如人有目，日光明照，见种种色。

须菩提！当来之世，若有善男子善女人，能于此经受持读诵，则为如来以佛智慧，悉知是人，悉见是人，皆得成就无量无边功德。

持经功德分第十五

须菩提！若有善男子善女人，初日分^{fèn}以恒河沙等身布施，中日分复以恒河沙等身布施，后日分亦以恒河沙等身布施，如是无量百千万亿劫以身布施。若复有人，闻此经典，信心不逆，其福胜彼，何况书写受持读诵，为人解说。

须菩提！以要言之，是经有不可思议、不可称量、无边功德。如来为发大乘者说，为发最上乘者说。若有人能受持读诵，广为人说，如来悉知是人，悉见是人，皆得

成就不可量、不可称、无有边、不可思议功德。如是人等，则为荷^{hè}担如来阿耨多罗三藐三菩提。何以故？须菩提！若乐^{yào}小法者，著我见、人见、众生见、寿者见，则于此经不能听受读诵，为人解说。

须菩提！在在处处，若有此经，一切世间天、人、阿修罗，所应供养。当知此处，则为是塔，皆应恭敬，作礼围绕，以诸华香而散其处。

能净业障分第十六

复次，须菩提！善男子善女人，受持读诵此经，若为人轻贱，是人先世罪业，应堕恶道，以今世人轻贱故，先世罪业，则为消灭，当得阿耨多罗三藐三菩提。

须菩提！我念过去无量阿僧^{qí}祇劫，于燃灯佛前，得值八百四千万亿那由^{nuó yóu tuō}他诸

佛，悉皆供養承事，無空過者。若復有人，于后末世，能受持讀誦此經，所得功德，于我所供養諸佛功德，百分不及一，千萬億分，乃至算數譬喻，所不能及。

須菩提！若善男子善女人，于后末世，有受持讀誦此經，所得功德，我若具說者，或有人聞，心即狂亂，狐疑不信。

須菩提！當知是經義不可思議，果報亦不可思議。

究竟無我分第十七

爾時須菩提白佛言：世尊！善男子善女人，發阿耨多羅三藐三菩提心，云何應住？云何降伏其心？

佛告須菩提：善男子善女人，發阿耨多羅三藐三菩提心者，當生如是心：我應滅度一切眾生，滅度一切眾生已，而無有

一眾生實滅度者。何以故？須菩提！若菩薩有我相、人相、眾生相、壽者相，則非菩薩。所以者何？須菩提！實無有法，發阿耨多羅三藐三菩提心者。

須菩提！于意云何？如來于燃燈佛所，有法得阿耨多羅三藐三菩提不？

不也，世尊！如我解佛所說義，佛于燃燈佛所，無有法得阿耨多羅三藐三菩提。

佛言：如是如是。須菩提！實無有法，如來得阿耨多羅三藐三菩提。須菩提！若有法如來得阿耨多羅三藐三菩提者，燃燈佛則不与我授記：汝于來世，當得作佛，號釋迦牟尼。以實無有法得阿耨多羅三藐三菩提，是故燃燈佛与我授記，作是言：汝于來世，當得作佛，號釋迦牟尼。何以故？如來者，即諸法如義。

若有人言，如来得阿耨多罗三藐三菩提。须菩提！实无有法，佛得阿耨多罗三藐三菩提。须菩提！如来所得阿耨多罗三藐三菩提，于是中无实无虚。是故如来说一切法，皆是佛法。须菩提！所言一切法者，即非一切法，是故名一切法。

须菩提！譬如人身长^{cháng}大。

须菩提言：世尊！如来说人身长大，即为非大身，是名大身。

须菩提！菩萨亦如是。若作是言，我当灭度无量众生，则不名菩萨。何以故？须菩提！实无有法名为菩萨。是故佛说一切法，无我、无人、无众生、无寿者。

须菩提！若菩萨作是言，我当庄严佛土，是不名菩萨。何以故？如来说庄严佛土者，即非庄严，是名庄严。

须菩提！若菩萨通达无我法者，如来

說名真是菩薩。

一體同觀分第十八

須菩提！于意云何？如來有肉眼不？

如是，世尊！如來有肉眼。

須菩提！于意云何？如來有天眼不？

如是，世尊！如來有天眼。

須菩提！于意云何？如來有慧眼不？

如是，世尊！如來有慧眼。

須菩提！于意云何？如來有法眼不？

如是，世尊！如來有法眼。

須菩提！于意云何？如來有佛眼不？

如是，世尊！如來有佛眼。

須菩提！于意云何？如恒河中所有沙，佛說是沙不？

如是，世尊！如来说是沙。

須菩提！于意云何？如一恒河中所有

沙，有如是沙等恒河，是诸恒河所有沙数佛世界，如是宁为多不？

甚多，世尊！

佛告须菩提：尔所国土中，所有众生，若干种心，如来悉知。何以故？如来说诸心，皆为非心，是名为心。所以者何？须菩提！过去心不可得，现在心不可得，未来心不可得。

法界通化分第十九

须菩提！于意云何？若有人满三千大千世界七宝，以用布施。是人以是因缘，得福多不？

如是，世尊！此人以是因缘，得福甚多。

须菩提！若福德有实，如来说得福德多。以福德无故，如来说得福德多。

离色离相分第二十

须菩提！于意云何？佛可以具足色身见不？

不也，世尊！如来不应以具足色身见。何以故？如来说具足色身，即非具足色身，是名具足色身。

须菩提！于意云何？如来可以具足诸相见不？

不也，世尊！如来不应以具足诸相见。何以故？如来说诸相具足，即非具足，是名诸相具足。

非说所说分第二十一

须菩提！汝勿谓如来作是念，我当有所说法。莫作是念。何以故？若人言如来有所说法，即为谤佛，不能解我所说故。须菩提！说法者，无法可说，是名说法。

尔时慧命须菩提白佛言：世尊！颇有众生，于未来世，闻说是法，生信心不？

佛言：须菩提！彼非众生，非不众生。何以故？须菩提！众生众生者，如来说非众生，是名众生。

无法可得分第二十二

须菩提白佛言：世尊！佛得阿耨多罗三藐三菩提，为无所得耶？

佛言：如是如是。须菩提！我于阿耨多罗三藐三菩提，乃至无有少法可得，是名阿耨多罗三藐三菩提。

净心行善分第二十三

复次，须菩提！是法平等，无有高下，是名阿耨多罗三藐三菩提。

以无我、无人、无众生、无寿者，修

一切善法，即得阿耨多罗三藐三菩提。须菩提！所言善法者，如来说即非善法，是名善法。

福智无比分第二十四

须菩提！若三千大千世界中，所有诸须弥山王，如是等七宝聚，有人持用布施。若人以此般若波罗蜜经，乃至四句偈等，受持读诵，为他人说，于前福德，百分不及一，百千万亿分，乃至算数譬喻，所不能及。

化无所化分第二十五

须菩提！于意云何？汝等勿谓如来作是念，我当度众生。须菩提！莫作是念。何以故？实无有众生如来度者。若有众生如来度者，如来即有我人众生寿者。

須菩提！如來說有我者，即非有我，而凡夫之人以為有我。須菩提！凡夫者，如來說即非凡夫，是名凡夫。

法身非相分第二十六

須菩提！于意云何？可以三十二相觀如來不？

須菩提言：如是如是，以三十二相觀如來。

佛言：須菩提！若以三十二相觀如來者，轉輪聖王即是如來。

須菩提白佛言：世尊！如我解佛所說義，不應以三十二相觀如來。

爾時世尊，而說偈言：

若以色見我，以音聲求我，
是人行邪道，不能見如來。
應觀佛法性，即導師法身，

法性非所识，故彼不能了。¹

无断无灭分第二十七

须菩提！汝若作是念，如来不以具足相故，得阿耨多罗三藐三菩提。须菩提！莫作是念，如来不以具足相故，得阿耨多罗三藐三菩提。

须菩提！汝若作是念，发阿耨多罗三藐三菩提心者，说诸法断灭。莫作是念。何以故？发阿耨多罗三藐三菩提心者，于法不说断灭相。

不受不贪分第二十八

须菩提！若菩萨以满恒河沙等世界七宝，持用布施。若复有人，知一切法无我，得成于忍，此菩萨胜前菩萨所得功德。何

¹ 后一偈，梵汉藏各本均有，故附。

以故？須菩提！以諸菩薩不受福德故。

須菩提白佛言：世尊！云何菩薩不受福德？

須菩提！菩薩所作福德，不應貪著，是故說不受福德。

威儀寂靜分第二十九

須菩提！若有人言，如來若來若去、若坐若卧，是人解我所說義。何以故？如來者，無所從來，亦無所去，故名如來。

一合理相分第三十

須菩提！若善男子善女人，以三千大千世界碎為微塵。于意云何？是微塵眾，寧為多不？

須菩提言：甚多，世尊！何以故？若是微塵眾實有者，佛即不說是微塵眾。所

以者何？佛說微塵眾，即非微塵眾，是名微塵眾。

世尊！如來所說三千大千世界，即非世界，是名世界。何以故？若世界實有者，即是一合相。如來說一合相，即非一合相，是名一合相。

須菩提！一合相者，即是不可說，但凡夫之人，貪著其事。

知見不生分第三十一

須菩提！若人言，佛說我見、人見、眾生見、壽者見。須菩提！于意云何？是人解我所說義不？

不也，世尊！是人不解如來說義。何以故？世尊說我見、人見、眾生見、壽者見，即非我見、人見、眾生見、壽者見，是名我見、人見、眾生見、壽者見。

須菩提！發阿耨多羅三藐三菩提心者，
於一切法，應如是知，如是見，如是信解，
不生法相。須菩提！所言法相者，如來說
即非法相，是名法相。

應化非真分第三十二

須菩提！若有人以滿無量阿僧祇世界
七寶，持用布施。若有善男子善女人，發
菩提心者，持於此經，乃至四句偈等，受
持讀誦，為人演說，其福勝彼。云何為人
演說？不取於相，如如不動。何以故？

一切有為法，如夢幻泡影，
如露亦如電，應作如是觀。

佛說是經已，長老須菩提，及諸比丘、
比丘尼、^{sàì}優婆塞、優婆夷，一切世間天、人、
阿修羅，聞佛所說，皆大歡喜，信受奉行。

般若无尽藏真言（一遍）

那摩巴噶瓦底 巴拉吉拿 巴拉弥达耶 喻
赫利 底伊 室利 室嚕底 尾佳耶 梭哈

金剛心真言（一遍）

喻 烏倫尼 梭哈

補闕真言（一遍）

那摩 拉達拿 達拉呀呀 卡拉卡拉 骨住
骨住 嘛拉嘛拉 虎拉 吽 哈哈 蘇達拿
吽 帕的 瓦拿 梭哈

補闕圓滿真言（七遍）

喻 嚩嚩嚩嚩 雜呀目Kei 梭哈

普回向真言（一遍）

喻 斯嘛拉 斯嘛拉 微嘛拿 薩拉
嘛哈佳各拉 瓦 吽

金刚赞

断疑生信 绝相超宗 顿忘人法解真空
般若味重重 四句融通 福德叹无穷

南无祇园会上佛菩萨（三称）

回向文

愿以此功德 普及于一切
我等与众生 皆共成佛道

（按：所列真言遍数皆为最少遍数，实则
多多益善。）

普贤菩萨行愿品

唐 罽宾国三藏般若奉诏译

炉香赞

炉香乍^{ruò}爇 法界蒙熏 诸佛海会悉遥闻
随处结祥云 诚意方殷 诸佛现全身

^{ná mó}南无香云盖^{mā hā sà}菩萨摩诃萨（三称）

加持咒（三遍）

嗡 桑巴Ra 桑巴Ra 波嘛那萨Ra
嘛哈娑巴巴吽 帕的 梭哈

清净咒（一遍）

嗡 苏利苏利 嘛哈苏利 苏苏利 梭哈
嗡 苏达利苏达利 苏嘛利苏嘛利 梭哈
嗡 瓦吉拉 达哈哈 吽

净三业真言（三遍）

嗡 梭巴瓦 速达 萨儿瓦 达儿嘛 梭巴瓦
速朵 杭

普贤菩萨行愿品

安土地真言（三遍）

那摩 萨曼达 布达喃 嗡 嚩嚩嚩嚩 地尾
梭哈

普供养真言（三遍）

嗡 嘎嘎拿 三巴哇 瓦吉拉 吽

南无本师释迦牟尼佛（三称）

开经偈

无上甚深微妙法 百千万劫难遭遇
我今见闻得受持 愿解如来真实义

大方广佛^{huā}华严经
入不^{xiè}思议解脱境界普贤^{hèng}行愿品
唐 罽^{jì}宾国三藏^{bō rě}般若奉诏译

尔时普贤菩萨摩诃萨，称叹如来胜功德已，告诸菩萨及善财言：善男子！如来功德，假使十方一切诸佛，经不可说不可说佛刹^{chà}极微尘数劫，相续演说，不可穷尽。若欲成就此功德门，应修十种广大行愿。何等为十？一者、礼敬诸佛，二者、称赞如来，三者、广修供养，四者、忏悔业障，五者、随喜功德，六者、请转法轮，七者、请佛住世，八者、常随佛学，九者、恒顺众生，十者、普皆回向。

善财白言：大圣！云何礼敬乃至回向？

普贤菩萨告善财言：善男子！言**礼敬诸佛**者：所有尽法界虚空界，十方三世一切佛刹，极微尘数诸佛世尊，我以普贤行愿力故，深信解，如对目前，悉以清净身语意业，常修礼敬。一一佛所，皆现不可说不可说佛刹极微尘数身。一一身，遍礼不可说不可说佛刹极微尘数佛。虚空界尽，我礼乃尽。以虚空界不可尽故，我此礼敬无有穷尽。如是乃至众生界尽，众生业尽，众生烦恼尽，我礼乃尽。而众生界乃至烦恼无有尽故，我此礼敬无有穷尽。念念相续，无有间断。身语意业，无有疲厌。

复次，善男子！言**称赞如来**者：所有尽法界虚空界，十方三世一切刹土，所有极微一一尘中，皆有一切世间极微尘数佛。一一佛所，皆有菩萨海会围绕。我当

悉以甚深胜解，现前知见，各以出过辩才天女微妙舌根，一一舌根出无尽音声海，一一音声出一切言辞海，称扬赞叹一切如来诸功德海。穷未来际，相续不断。尽于法界，无不周遍。如是虚空界尽，众生界尽，众生业尽，众生烦恼尽，我赞乃尽。而虚空界乃至烦恼无有尽故，我此赞叹无有穷尽。念念相续，无有间断。身语意业，无有疲厌。

复次，善男子！言**广修供养**者：所有尽法界虚空界，十方三世一切佛刹极微尘中，一一各有一切世界极微尘数佛。一一佛所，种种菩萨海会围绕。我以普贤行愿力故，起深信解，现前知见，悉以上妙诸供养具而为供养。所谓^{huā}华云、^{mán}鬘云、天音乐云、天伞盖云、天衣服云，天种种香：涂香、烧香、末香。如是等云，一一量如

须弥山王。燃种种灯：酥灯、油灯、诸香油灯，一一灯柱如须弥山，一一灯油如大海水。以如是等诸供养具，常为供养。

善男子！诸供养中，法供养最。所谓如说修行供养，利益众生供养，摄受众生供养，代众生苦供养，勤修善根供养，不舍菩萨业供养，不离菩提心供养。善男子！如前供养无量功德，比法供养一念功德，百分不及一，千分不及一，百千俱胝那由他分、^{tuō}迦罗分、^{jiā}算分、数分、喻分、优波尼沙陀分，亦不及一。何以故？以诸如来尊重法故，以如说行出生诸佛故。若诸菩萨行法供养，则得成就供养如来，如是修行是真供养故。

此广大最胜供养，虚空界尽，众生界尽，众生业尽，众生烦恼尽，我供乃尽。而虚空界乃至烦恼不可尽故，我此供养亦

无有尽。念念相续，无有间断。身语意业，无有疲厌。

复次，善男子！言**忏悔业障**者：菩萨自念，我于过去无始劫中，由贪瞋痴^{chēn}，发身口意，作诸恶业，无量无边。若此恶业有体相者，尽虚空界不能容受。我今悉以清净三业，遍于法界极微尘刹，一切诸佛菩萨众前，诚心忏悔，后不复造，恒住净戒一切功德。如是虚空界尽，众生界尽，众生业尽，众生烦恼尽，我忏乃尽。而虚空界乃至众生烦恼不可尽故，我此忏悔无有穷尽。念念相续，无有间断。身语意业，无有疲厌。

复次，善男子！言**随喜功德**者：所有尽法界虚空界，十方三世一切佛刹，极微尘数诸佛如来，从初发心，为一切智，勤修福聚，不惜身命，经不可说不可说佛刹

极微尘数劫。一一劫中，舍不可说不可说佛刹极微尘数头目手足。如是一切难行苦行，圆满种种波罗蜜门，证入种种菩萨智地，成就诸佛无上菩提，及般涅槃^{bō niè pán}，分布舍利，所有善根，我皆随喜。及彼十方一切世界，六趣四生一切种类，所有功德，乃至一尘，我皆随喜。十方三世一切声闻，及辟支佛^{pì}，有学、无学，所有功德，我皆随喜。一切菩萨所修无量难行苦行，志求无上正等菩提，广大功德，我皆随喜。如是虚空界尽，众生界尽，众生业尽，众生烦恼尽，我此随喜无有穷尽。念念相续，无有间断。身语意业，无有疲厌。

复次，善男子！言**请转法轮**者：所有尽法界虚空界，十方三世一切佛刹极微尘中，一一各有不可说不可说佛刹极微尘数广大佛刹。一一刹中念念有不可说不可说

佛刹极微尘数一切诸佛成正觉，一切菩萨海会围绕。而我悉以身口意业种种方便，殷勤劝请转妙法轮。如是虚空界尽，众生界尽，众生业尽，众生烦恼尽，我常劝请一切诸佛转正法轮，无有穷尽。念念相续，无有间断。身语意业，无有疲厌。

复次，善男子！言**请佛住世**者：所有尽法界虚空界，十方三世一切佛刹，极微尘数诸佛如来，将欲示现般涅槃者，及诸菩萨、声闻、缘觉，有学、无学，乃至一切诸善知识，我悉劝请莫入涅槃，经于一切佛刹极微尘数劫，为欲利乐一切众生。如是虚空界尽，众生界尽，众生业尽，众生烦恼尽，我此劝请无有穷尽。念念相续，无有间断。身语意业，无有疲厌。

复次，善男子！言**常随佛学**者：如此
suō pó pí 娑婆世界毗卢遮那如来，从初发心，精进

不退，以不可说不可说身命而为布施，剥皮为纸，析骨为笔，刺血为墨，书写经典，积如须弥。为重法故，不惜身命，何况王位、城邑、聚落、宫殿、园林，一切所有。及余种种难行苦行。乃至树下成大菩提，示种种神通，起种种变化，现种种佛身，处种种众会。或处一切诸大菩萨众会道场，或处声闻及辟支佛众会道场，或处转轮圣王、小王眷属众会道场，或处刹利^{chà}及婆罗门、长者、居士众会道场，乃至或处天龙八部、人非人等众会道场。处于如是种种众会，以圆满音，如大雷震，随其乐^{yào}欲，成熟众生。乃至示现入于涅槃。如是一切，我皆随学。

如今世尊毗卢遮那，如是尽法界虚空界，十方三世一切佛刹，所有尘中一切如来，皆亦如是，于念念中，我皆随学。

如是虚空界尽，众生界尽，众生业尽，
众生烦恼尽，我此随学无有穷尽。念念相
续，无有间断。身语意业，无有疲厌。

复次，善男子！言恒顺众生者：谓尽
法界虚空界，十方刹海，所有众生，种种
差别。所谓卵生、胎生、湿生、化生，或
有依于地水火风而生住者，或有依空及诸
卉木而生住者，种种生类，种种色身，种
种形状，种种相貌，种种寿量，种种族类，
种种名号，种种心性，种种知见，种种欲
乐^{yào}，种种意行，种种威仪，种种衣服，种
种饮食，处于种种村营、聚落、城邑、宫
殿。乃至一切天龙八部、人非人等，无足、
二足、四足、多足，有色、无色，有想、
无想、非有想非无想。如是等类，我皆于
彼随顺而转。种种承事，种种供养，如敬
父母，如奉师长，及阿罗汉，乃至如来，

等无有异。于诸病苦，为作良医。于失道者，示其正路。于暗夜中，为作光明。于贫穷者，令得伏藏。菩萨如是平等饶益一切众生。

何以故？菩萨若能随顺众生，则为随顺供养诸佛。若于众生尊重承事，则为尊重承事如来。若令众生生欢喜者，则令一切如来欢喜。

何以故？诸佛如来，以大悲心而为体故。因于众生而起大悲，因于大悲生菩提心，因菩提心成等正觉。譬如旷野沙磧^{qì}之中，有大树王，若根得水，枝叶^{huā}华果，悉皆繁茂。生死旷野，菩提树王，亦复如是。一切众生而为树根，诸佛菩萨而为华果。以大悲水饶益众生，则能成就诸佛菩萨智慧华果。何以故？若诸菩萨以大悲水饶益众生，则能成就阿耨^{nòu}多罗三藐^{miǎo}三菩提故。

是故菩提属于众生，若无众生，一切菩萨终不能成无上正觉。

善男子！汝于此义，应如是解。以于众生心平等故，则能成就圆满大悲。以大悲心随众生故，则能成就供养如来。

菩萨如是随顺众生，虚空界尽，众生界尽，众生业尽，众生烦恼尽，我此随顺无有穷尽。念念相续，无有间断。身语意业，无有疲厌。

复次，善男子！言**普皆回向**者：从初礼拜，乃至随顺，所有功德，皆悉回向尽法界虚空界一切众生。愿令众生常得安乐，无诸病苦。欲行恶法，皆悉不成。所修善业，皆速成就。关闭一切诸恶趣门，开示人天涅槃正路。若诸众生，因其积集诸恶业故，所感一切极重苦果，我皆代受。令彼众生，悉得解脱，究竟成就无上菩提。

菩萨如是所修回向，虚空界尽，众生界尽，众生业尽，众生烦恼尽，我此回向无有穷尽。念念相续，无有间断。身语意业，无有疲厌。

善男子！是为菩萨摩訶萨十种大愿，具足圆满。若诸菩萨于此大愿随顺趣入，则能成熟一切众生，则能随顺阿耨多罗三藐三菩提，则能成满普贤菩萨诸行愿海。是故善男子！汝于此义，应如是知。

若有善男子善女人，以满十方无量无边不可说不可说佛刹极微尘数一切世界上妙七宝，及诸人天最胜安乐，布施尔所一切世界所有众生，供养尔所一切世界诸佛菩萨，经尔所佛刹极微尘数劫，相续不断，所得功德。若复有人，闻此愿王，一经于耳，所有功德，比前功德，百分不及一，千分不及一，乃至优波尼沙陀分亦不

及一。

或复有人，以深信心，于此大愿受持读诵，乃至书写一四句偈，速能除灭五无间业。所有世间身心等病，种种苦恼，乃至佛刹极微尘数一切恶业，皆得消除。一切魔军、夜叉、罗刹^{chà}、若鸩槃荼^{jiū pán chá}、若毗舍闍^{pí shè shé}、若部多等，饮血啖肉^{dàn}诸恶鬼神，皆悉远离，或时发心亲近守护。

是故若人诵此愿者，行于世间，无有障碍，如空中月出于云翳^{yì}。诸佛菩萨之所称赞，一切人天皆应礼敬，一切众生悉应供养。此善男子，善得人身，圆满普贤所有功德。不久当如普贤菩萨，速得成就微妙色身，具三十二大丈夫相。若生人天，所在之处，常居胜族。悉能破坏一切恶趣，悉能远离一切恶友，悉能制伏一切外道。悉能解脱一切烦恼，如师子王摧伏群兽，

堪受一切众生供养。

又复是人临命终时，最后刹那，一切诸根悉皆散坏，一切亲属悉皆舍离，一切威势悉皆退失。辅相大臣，宫城内外，象马车乘，珍宝伏藏，如是一切无复相随。唯此愿王不相舍离，于一切时引导其前，一刹那中，即得往生极乐世界。到已，即见阿弥陀佛、文殊师利菩萨、普贤菩萨、观自在菩萨、弥勒菩萨等。此诸菩萨，色相端严，功德具足，所共围绕。其人自见生莲^{huā}华中，蒙佛授记。得授记已，经于无数百千万亿那由他劫，普于十方不可说不可说世界，以智慧力，随众生心而为利益。不久当坐菩提道场，降服魔军，成等正觉，转妙法轮。能令佛刹极微尘数世界众生发菩提心，随其根性，教化成熟。乃至尽于未来劫海，广能利益一切众生。

善男子，彼诸众生，若闻若信此大愿王，受持读诵，广为人说，所有功德，除佛世尊，余无知者。是故汝等闻此愿王，莫生疑念，应当谛受。受已能读，读已能诵，诵已能持，乃至书写，广为人说。是诸人等，于一念中，所有行愿皆得成就，所获福聚无量无边。能于烦恼大苦海中，拔济众生，令其出离，皆得往生阿弥陀佛极乐世界。

尔时普贤菩萨摩诃萨，欲重宣此义，普观十方，而说偈言：

所有十方世界中	三世一切人师子
我以清浄身语意	一切遍礼尽无余
普贤行愿威神力	普现一切如来前
一身复现刹尘身	一一遍礼刹尘佛
于一尘中尘数佛	各处菩萨众会中
无尽法界尘亦然	深信诸佛皆充满

各以一切音声海	普出无尽妙言辞
尽于未来一切劫	赞佛甚深功德海
以诸最胜妙华鬘	伎乐涂香及伞盖
如是最胜庄严具	我以供养诸如来
最胜衣服最胜香	末香烧香与灯烛
一一皆如妙高聚	我悉供养诸如来
我以广大胜解心	深信一切三世佛
悉以普贤行愿力	普遍供养诸如来
我昔所造诸恶业	皆由无始贪瞋痴
从身语意之所生	一切我今皆忏悔
十方一切诸众生	二乘有学及无学
一切如来与菩萨	所有功德皆随喜
十方所有世间灯	最初成就菩提者
我今一切皆劝请	转于无上妙法轮
诸佛若欲示涅槃	我悉至诚而劝请
唯愿久住刹尘劫	利乐一切诸众生
所有礼赞供养福	请佛住世转法轮

随喜忏悔诸善根	回向众生及佛道
我随一切如来学	修习普贤圆满行
供养过去诸如来	及与现在十方佛
未来一切天人师	一切意乐皆圆满
我愿普随三世学	速得成就大菩提
所有十方一切刹	广大清静妙庄严
众会围绕诸如来	悉在菩提树王下
十方所有诸众生	愿离忧患常安乐
获得甚深正法利	灭除烦恼尽无余
我为菩提修行时	一切趣中成宿命
常得出家修净戒	无垢无破无穿漏
天龙夜叉鸠槃荼	乃至人与非人等
所有一切众生语	悉以诸音而说法
勤修清静波罗蜜	恒不忘失菩提心
灭除障垢无有余	一切妙行皆成就
于诸惑业及魔境	世间道中得解脱
犹如莲华不著水	亦如日月不住空

悉除一切恶道苦	等与一切群生乐
如是经于刹尘劫	十方利益恒无尽
我常随顺诸众生	尽于未来一切劫
恒修普贤广大行	圆满无上大菩提
所有与我同行者	于一切处同集会
身口意业皆同等	一切行愿同修学
所有益我善知识	为我显示普贤行
常愿与我同集会	于我常生欢喜心
愿常面见诸如来	及诸佛子众围绕
于彼皆兴广大供	尽未来劫无疲厌
愿持诸佛微妙法	光显一切菩提行
究竟清净普贤道	尽未来劫常修习
我于一切诸有中	所修福智恒无尽
定慧方便及解脱	获诸无尽功德藏
一尘中有尘数刹	一一刹有难思佛
一一佛处众会中	我见恒演菩提行
普尽十方诸刹海	一一毛端三世海

佛海及与国土海	我遍修行经劫海
一切如来语清净	一言具众音声海
随诸众生意乐音	一流佛辩才海
三世一切诸如来	于彼无尽语言海
恒转理趣妙法轮	我深智力普能入
我能深入于未来	尽一切劫为一念
三世所有一切劫	为一念际我皆入
我于一念见三世	所有一切人师子
亦常入佛境界中	如幻解脱及威力
于一毛端极微中	出现三世庄严刹
十方尘刹诸毛端	我皆深入而严净
所有未来照世灯	成道转法悟群有
究竟佛事示涅槃	我皆往 ^{yì} 诣而亲近
速疾周遍神通力	普门遍入大乘力
智行普修功德力	威神普覆大慈力
遍净庄严胜福力	无著无依智慧力
定慧方便威神力	普能积集菩提力

清净一切善业力	摧灭一切烦恼力
降服一切诸魔力	圆满普贤诸行力
普能严净诸刹海	解脱一切众生海
善能分别诸法海	能甚深入智慧海
普能清净诸行海	圆满一切诸愿海
亲近供养诸佛海	修行无倦经劫海
三世一切诸如来	最胜菩提诸行愿
我皆供养圆满修	以普贤行悟菩提
一切如来有长子	彼名号曰普贤尊
我今回向诸善根	愿诸智行悉同彼
愿身口意恒清净	诸行刹土亦复然
如是智慧号普贤	愿我与彼皆同等
我为遍净普贤行	文殊师利诸大愿
满彼事业尽无余	未来际劫恒无倦
我所修行无有量	获得无量诸功德
安住无量诸行中	了达一切神通力
文殊师利勇猛智	普贤慧行亦复然

我今回向诸善根	随彼一切常修学
三世诸佛所称叹	如是最胜诸大愿
我今回向诸善根	为得普贤殊胜行
愿我临欲命终时	尽除一切诸障碍
面见彼佛阿弥陀	即得往生安乐刹
我既往生彼国已	现前成就此大愿
一切圆满尽无余	利乐一切众生界
彼佛众会咸清净	我时于胜莲华生
亲睹如来无量光	现前授我菩提记
蒙彼如来授记已	化身无数百俱胝
智力广大遍十方	普利一切众生界
乃至虚空世界尽	众生及业烦恼尽
如是一切无尽时	我愿究竟恒无尽
十方所有无边刹	庄严众宝供如来
最胜安乐施天人	经一切刹微尘劫
若人于此胜愿王	一经于耳能生信
求胜菩提心渴仰	获胜功德过于彼

即常远离恶知识	永离一切诸恶道
速见如来无量光	具此普贤最胜愿
此人善得胜寿命	此人善来人中生
此人不久当成就	如彼普贤菩萨行
往昔由无智慧力	所造极恶五无间
诵此普贤大愿王	一念速疾皆消灭
族姓种类及容色	相好智慧咸圆满
诸魔外道不能摧	堪为三界所应供
速诣菩提大树王	坐已降服诸魔众
成等正觉转法轮	普利一切诸含识
若人于此普贤愿	读诵受持及演说
果报唯佛能证知	决定获胜菩提道
若人诵此普贤愿	我说少分之善根
一念一切悉皆圆	成就众生清净愿
我此普贤殊胜行	无边胜福皆回向
普愿沉溺 ^{nì} 诸众生	速往无量光佛刹

尔时普贤菩萨摩诃萨，于如来前说此普贤广大愿王清净偈已，善财童子踊跃无量，一切菩萨皆大欢喜。如来赞言：善哉善哉。

尔时世尊与诸圣者菩萨摩诃萨，演说如是不可思议解脱境界胜法门时，文殊师利菩萨而为上首，诸大菩萨，及所成熟六千比丘；弥勒菩萨而为上首，贤劫一切诸大菩萨；无垢普贤菩萨而为上首，一生补处、住灌顶位诸大菩萨；及余十方种种世界普来集会，一切刹海极微尘数诸菩萨摩诃萨众；大智舍利弗、摩诃目犍^{jiān}连等而为上首，诸大声闻；并诸人天一切世主、天、龙、夜叉、乾^{qián}闥^{tà}婆^{pó}、阿修罗、迦^{jiā}楼罗、紧那罗、摩^{mó}睺^{hóu}罗伽^{qié}、人、非人等，一切大众，闻佛所说，皆大欢喜，信受奉行。

普贤菩萨行愿品

补阙真言（一遍）

那摩 拉达拿 达拉呀呀 卡拉卡拉 骨住
骨住 嘛拉嘛拉 虎拉 吽 哈哈 苏达拿
吽 帕的 瓦拿 梭哈

补阙圆满真言（七遍）

嗡 嘟噜嘟噜 杂呀目Kei 梭哈

普回向真言（一遍）

嗡 斯嘛拉 斯嘛拉 微嘛拿 萨拉
嘛哈佳各拉 瓦 吽

南无华严会上佛菩萨（三称）

三皈依

自皈依佛

当愿众生 体解大道 发无上心

自皈依法

当愿众生 深入经藏 智慧如海

自皈依僧

当愿众生 统理大众 一切无碍

和南圣众

回向文

诵经功德殊胜行 无边胜福皆回向

普愿沉溺诸众生 速往无量光佛刹

十方三世一切佛 一切菩萨摩訶萨

摩訶^{bō}般若^{rě}波罗蜜

愿以此功德 普及于一切

我等与众生 皆共成佛道

观世音菩萨普门品

姚秦三藏法师鸠摩罗什译

炉香赞

炉香乍^{ruò}爇 法界蒙熏 诸佛海会悉遥闻
随处结祥云 诚意方殷 诸佛现全身

^{ná mó}南无香云盖^{mā hā sà}菩萨摩诃萨（三称）

加持咒（三遍）

嗡 桑巴Ra 桑巴Ra 波嘛那萨Ra
嘛哈娑巴巴吽 帕的 梭哈

清净咒（一遍）

嗡 苏利苏利 嘛哈苏利 苏苏利 梭哈
嗡 苏达利苏达利 苏嘛利苏嘛利 梭哈
嗡 瓦吉拉 达哈哈 吽

净三业真言（三遍）

嗡 梭巴瓦 速达 萨儿瓦 达儿嘛 梭巴瓦
速朵 杭

安土地真言（三遍）

那摩 萨曼达 布达喃 嗡 嘟噜嘟噜 地尾
梭哈

普供养真言（三遍）

嗡 嘎嘎拿 三巴哇 瓦吉拉 吽

四弘誓愿

众生无边誓愿度 烦恼无尽誓愿断
法门无量誓愿学 佛道无上誓愿成

忏悔偈

我昔所造诸恶业 皆由无始贪瞋痴^{chēn}
从身语意之所生 一切我今皆忏悔

杨枝净水赞

杨枝净水 遍洒三千 性空八德利人天
福寿广增延 灭罪消愆^{qiān} 火焰化红莲

南无清凉地菩萨摩訶萨（三称）

南无大悲观世音菩萨摩訶萨（三称）

法华偈

六万余言七轴装 无边妙义广含藏

白玉齿边流舍利 红莲舌上放毫光

喉中甘露涓涓润 口内醍醐^{tí hú}滴滴凉

假饶造罪过山岳 不须妙法两三行

南无本师释迦牟尼佛（三称）

开经偈

无上甚深微妙法 百千万劫难遭遇

我今见闻得受持 愿解如来真实义

观世音菩萨普门品

妙法莲^{huā}华经观世音菩萨普门品

姚秦三藏法师鸠摩罗什^{jiū mó luó shí}译

尔时无尽意菩萨，即从座起，偏袒^{tǎn}右肩，合掌向佛，而作是言：“世尊！观世音菩萨，以何因缘，名观世音？”

佛告无尽意菩萨：“善男子！若有无量百千万亿众生，受诸苦恼，闻是观世音菩萨，一心称名。观世音菩萨即时观其音声，皆得^{xiè}解脱。

若有持是观世音菩萨名者，设入大火，火不能烧，由是菩萨威神力故。

若为大水所漂，称其名号，即得浅处。

若有百千万亿众生，为求金、银、琉璃、^{chē qú}砮磈、玛瑙、珊瑚、琥珀、真珠等宝，

入于大海。假使黑风吹其船舫^{fǎng}，飘堕^{duò}罗刹^{chà}鬼国。其中若有乃至一人称观世音菩萨名者，是诸人等，皆得解脱罗刹之^{nàn}难。

以是因缘，名观世音。

若复有人，临当被害，称观世音菩萨名者，彼所执刀杖，寻段段坏，而得解脱。

若三千大千国土，满中夜叉、罗刹，欲来恼人。闻其称观世音菩萨名者，是诸恶鬼，尚不能以恶眼视之，况复加害。

设复有人，若有罪、若无罪，^{chǒu xiè}枷锁检系其身，称观世音菩萨名者，皆悉断坏，即得解脱。

若三千大千国土，满中怨贼。有一商主，将诸商人，^{jī}赍持重宝，经过险路。其中一人，作是唱言：‘诸善男子！勿得恐怖，汝等应当一心称观世音菩萨名号。是菩萨能以无畏施于众生，汝等若称名者，

于此怨贼，当得解脱。’众商人闻，俱发声言：‘南无观世音菩萨！’称其名故，即得解脱。

无尽意！观世音菩萨摩诃萨，威神之力，巍巍如是。

若有众生多于淫欲，常念恭敬观世音菩萨，便得离欲。若多瞋^{chēn}恚^{huì}，常念恭敬观世音菩萨，便得离瞋。若多愚痴，常念恭敬观世音菩萨，便得离痴。

无尽意！观世音菩萨有如是等大威神力，多所饶益。是故众生，常应心念。

若有女人，设欲求男，礼拜供养观世音菩萨，便生福德智慧之男。设欲求女，便生端正有相之女，宿植德本，众人爱敬。

无尽意！观世音菩萨有如是力。若有众生恭敬礼拜观世音菩萨，福不唐捐。是故众生，皆应受持观世音菩萨名号。

无尽意！若有人受持六十二亿恒河沙菩萨名字，复尽形供养饮食、衣服、卧具、医药。于汝意云何？是善男子善女人，功德多否？”

无尽意言：“甚多，世尊！”

佛言：“若复有人，受持观世音菩萨名号，乃至一时礼拜供养。是二人福，正等无异，于百千万亿劫，不可穷尽。

无尽意！受持观世音菩萨名号，得如是无量无边福德之利。”

无尽意菩萨白佛言：“世尊！观世音菩萨云何游此娑婆世界？云何而为众生说法？方便之力，其事云何？”

佛告无尽意菩萨：“善男子！若有国土众生，应以佛身得度者，观世音菩萨即现佛身而为说法；

应以辟^{pì}支佛身得度者，即现辟支佛身

而为说法；

应以声闻身得度者，即现声闻身而为说法；

应以梵王身得度者，即现梵王身而为说法；

应以帝释身得度者，即现帝释身而为说法；

应以自在天身得度者，即现自在天身而为说法；

应以大自在天身得度者，即现大自在天身而为说法；

应以天大将军身得度者，即现天大将军身而为说法；

应以毗^{pí}沙门身得度者，即现毗沙门身而为说法；

应以小王身得度者，即现小王身而为说法；

应以长者身得度者，即现长者身而为说法；

应以居士身得度者，即现居士身而为说法；

应以宰官身得度者，即现宰官身而为说法；

应以婆罗门身得度者，即现婆罗门身而为说法；

应以比丘、比丘尼、优婆塞^{sài}、优婆夷身得度者，即现比丘、比丘尼、优婆塞、优婆夷身而为说法；

应以长者、居士、宰官、婆罗门妇女身得度者，即现妇女身而为说法；

应以童男、童女身得度者，即现童男、童女身而为说法；

应以天、龙、夜叉、乾闥婆^{qián tà pó}、阿修罗、迦楼罗^{jiā}、紧那罗、摩睺罗伽^{mó hóu qié}、人、非人等

身得度者，即皆现之而为说法；

应以执金刚神得度者，即现执金刚神而为说法。

无尽意！是观世音菩萨成就如是功德，以种种形游诸国土，度脱众生。是故汝等，应当一心供养观世音菩萨。是观世音菩萨摩诃萨，于怖畏急难之中，能施无畏，是故此娑婆世界，皆号之为施无畏者。”

无尽意菩萨白佛言：“世尊！我今当供养观世音菩萨。”即解颈众宝珠^{yīng luò}璎珞，价值百千两金，而以与之，作是言：“仁者！受此法施珍宝璎珞。”时观世音菩萨不肯受之。无尽意复白观世音菩萨言：“仁者！^{mǐn}悯我等故，受此璎珞。”

尔时佛告观世音菩萨：“当悯此无尽意菩萨及四众、天、龙、夜叉、乾闥婆、阿修罗、迦楼罗、紧那罗、摩睺罗伽、人、

非人等故，受是瓔珞。”

即时观世音菩萨悯诸四众，及于天、龙、人、非人等，受其瓔珞，分作二分，一分奉释迦牟尼佛，一分奉多宝佛塔。

“无尽意！观世音菩萨有如是自在神力，游于娑婆世界。”

尔时无尽意菩萨，以偈问曰：

“世尊妙相具，我今重问彼，
佛子何因缘，名为观世音？”

具足妙相尊，偈答无尽意：

“汝听观音行，善应^{hèng}诸方所^{yīng}。

弘誓深如海，历劫不思议，

侍^{shì}多千亿佛，发大清净愿。

我为汝略说，闻名及见身，

心念不空过，能灭诸有苦。

假使兴害意，推落大火坑，

念彼观音力，火坑变成池。

或漂流巨海，龙鱼诸鬼难，
念彼观音力，波浪不能没。
或在须弥峰，为人所推堕，
念彼观音力，如日虚空住。
或被恶人逐，堕落金刚山，
念彼观音力，不能损一毛。
或值怨贼绕，各执刀加害，
念彼观音力，咸即起慈心。
或遭王难苦，临刑欲寿终，
念彼观音力，刀寻段段坏。
或囚禁枷锁，手足被杻械，
念彼观音力，释然得解脱。
咒诅诸毒药，所欲害身者，
念彼观音力，^{huánzhuó}还著于本人。
或遇恶罗刹，毒龙诸鬼等，
念彼观音力，时悉不敢害。
若恶兽围绕，利牙^{zhǎo}爪可怖，

念彼观音力，疾走无边方。

^{wán} 蜎蛇及 ^{fù xiē} 蝮蝎，气毒烟火燃，

念彼观音力，寻声自回去。

云雷鼓 ^{chè} 掣电，降 ^{báo shù} 雹澍大雨，

念彼观音力，应时得消散。

众生被困厄，无量苦逼身，

观音妙智力，能救世间苦。

具足神通力，广修智方便，

十方诸国土，无刹不现身。

种种诸恶趣，地狱鬼畜生，

生老病死苦，以渐悉令灭。

真观清净观，广大智慧观，

悲观及慈观，常愿常瞻仰。

无垢清净光，慧日破诸暗，

能伏灾风火，普明照世间。

悲体戒雷震，慈意妙大云，

澍甘露法雨，灭除烦恼焰。

诤讼经官处，怖畏军阵中，
念彼观音力，众怨悉退散。
妙音观世音，梵音海潮音，
胜彼世间音，是故须常念。
念念勿生疑，观世音净圣，
于苦恼死厄，能为作依怙。
具一切功德，慈眼视众生，
福聚海无量，是故应顶礼。”

尔时持地菩萨即从座起，前白佛言：
“世尊！若有众生闻是观世音菩萨品自在
之业，普门示现神通力者，当知是人功德
不少。”

佛说是普门品时，众中八万四千众
生，皆发无等等阿耨^{nòu}多罗三藐^{miǎo}三菩提心。

补阙真言（一遍）

那摩 拉达拿 达拉呀呀 卡拉卡拉 骨住
骨住 嘛拉嘛拉 虎拉 吽 哈哈 苏达拿
吽 帕的 瓦拿 梭哈

补阙圆满真言（七遍）

嗡 嘟噜嘟噜 杂呀目Kei 梭哈

普回向真言（一遍）

嗡 斯嘛拉 斯嘛拉 微嘛拿 萨拉
嘛哈佳各拉 瓦 吽

南无法华会上佛菩萨（三称）

三皈依

自皈依佛

当愿众生 体解大道 发无上心

自皈依法

当愿众生 深入经藏 智慧如海

自皈依僧

当愿众生 统理大众 一切无碍

和南圣众

回向文

诵经功德殊胜行 无边胜福皆回向

普愿沉溺^{nì}诸众生 速往无量光佛刹

十方三世一切佛 一切菩萨摩訶萨

摩訶^{bō rě}般若波罗蜜

愿以此功德 普及于一切


我等与众生 皆共成佛道

嗡嘛呢叭咪吽



普为助印及读诵受持流通者回向偈

愿以此功德 消除宿现业
增长诸福慧 圆成胜善根
所有刀兵劫 及与饥馑等
悉皆尽灭除 人各习礼让
一切助印人 诵持流通者
现眷咸安乐 先亡获超升
风雨常调顺 人民悉康宁
法界诸含识 同证无上道





ཡི་གེ་ཉི་ཤུ་ཅུ་རྒྱལ་བ་འདི་དཔེ་ཆ་འཛིན་པ་བཞག་ན་དཔེ་ཆ་དེ་ཅི་འདྲར་
བཞོམས་ཀྱང་ཉེས་པ་མི་འབྱུང་བར་འཇམ་དཔལ་ཅུ་རྒྱུད་ལས་གསུངས་སོ།།

此咒置经书中，可灭误跨之罪

南無韋陀尊天菩薩



